

# Mirgoota Bu'uraa Dhukkubsattootaa Bulchiinsa Mineesootaa

## Kaayyoo Tumamuu Seeraa

Kaayyoon seera tumamee fi gaheen kutaa kanaa fedhii fi nageenyummaa dhukkubsattootaa fi raawwattoota kunuunsafayyaa cimsuufi. Tajaajilli fayyaa kamiyyuu dhukkubsattoota fayyadamtoota tajaajilaa taasisuuf, morgoota kanneen irraa daangessuu hin barbaachisuu. Namni dhukkubsatichaaf itti dhiyeenyaan eegumsa taasisu yookan raawwataan tajaajila fayyaa, yookan bakka namni dhukkubsataa dhiyeenyaan hordofu hin jirretti namni fedhii qabu biroo, bakka dhukkubsataa fi raawwataa fayyaa bu'eemirgoonni kunneen akka kabajamaniif gaaffachuu ni danda'a. Dhukkubsattoota namoota itti dhiyeenyaan isaan eeguuf qaama bulchiinsaa yookan haqaa irraa eeyyama seera qabeessa qaban, yookan raawwattoota kenniinsa tajaajila fayyaa, bakka bu'uudhaan namni fadhii qabu kamiyyuu mirgoonni kunneen akka kabajamaniif gaafachuu ni danda'a. Hojii gaariif hanga ta'etti, raawwiin hojiirra olmaa tajaajila kunuunsa fayyaa, haala yaada nama itti dhiyeenyaan dhukkubsataa hordofuu ilaalcha keessa galcheen gaggeeffamuu danda'a. Kaayyoon kutaa kanaa, dhukkubsataan kamiyyuu filannoowwan jiran beekuu fi murteewwan dhuunfaa isaa dabarfachuu irratti dhiibbaan akka irratti hin raawwatamne dabalatee, mirgi bilisummaa amantaa fi hawaasummaa isaa haala hin cabnetti, hanga danda'ametti mirgoonni kunneen tajaajila argatu keessatti akka hojiirra oolaniifi.

## **Ibsawwan**

Kutaa kana keessatti "dhukkubsataa" jedhuun waldhaanamaa daran dhukkubsateef, fayyaa qaamaa fi sammuu isaa irratti, dhimma qorannoo yookan wal'aansaaf, tajaajila fayyaa saatii 24 oliif itti-fufiinsaan akka tajaajilamuuf yaadamee dha.

"Dhukkubsataa" jechuun dabalataan, haala, Seera Bulchiinsa Minesootaa bara 1986, Boqonnaa 326, kutaa 7 keessatti ibsametti, daa'imman sagantaa tajaajila fayyaa akka argatuuf eeyyamameefii dha. Ibsa kanaaf jecha, dabalataan, "dhukkubsataa" jechuun nama haala yeroo gabaabaa, sagantaa deeggarsa hawaasaa yookan sagantaawwan hawaasaa biroo bu'ureeffataniin wal'aansa sammuu argatauu dha.

## **Labsii Imaammataa Ummataa**

Fedhiin dhukkubsataa hundi akka kabajamuuf labsiin mirgoota bu'uraa dhukkubsataa ibsawwan kanneen kan hammatuu fi garuu immoo kana qofaan kan daanga'u akka hin taane ta'ee imaammata ummataa akka ta'uuf labsameera.

### **1. Odeeffannoo Mirgootaa**

Tajaajilamtoonni wal'aansa argachuuf jedhan, tajaajila argatan keessattidhiyeessichi fayyaa, tajaajila fayyaa hawaasaa kennamuu yookan turmaata wal'aansaa hunda keessatti eegumsi mirgootaa seera qabeessa ta'an akka jiran, mirgoonni kutaa kana keessatti qabatamaan raawwachuu danda'anii fi barreeffamaan jiran akka argaman tajaajilichi yeroo jalqabuuf jedhutti itti himamuu qaba. Akkaataa kutaa 7 keessatti ibsametti, dhukkubsattoonni sagantaa wal'aansa tajaajila fayyaaf kaadhimaan, akkaata kutaa 253B.04, qaama kutaa 2, keessatti

dhiyaatetti, ibsi barreeffamaa mirga, namoonni umuriin isaanii waggaa 16 fi sanaa oloo ta'an bayuuf gaafachuu ibsuu qaba, akkasumas, maqaa fi lakkoofsa bilbilaa namoota fi waldaalee hojii hubannoo hojjatanii fi tajaajila seeraa fayyadamtoota sagantaa wal'aansaaf dhiyeessanii qabaachuu qaba. Namoota waliigaluu irratti hanqina qabanii fi namoota Afaan Ingiliziitiin ala dubbataniif bifa amansiisaa ta'een haalli itti hubannoo argatan mijaawuu qaba. Imaammanniwwan tataajilaa wayitaawaa, argannoowwan qorannoo oggansa fayyaa naannawaa fi bulchiinsaa, fi ibsiwwan mirgootaa biroo barreeffamaan jiran, dhukkubsattootaaf, namoota dhukkubsattootatti dhiyeenyaan eeganiif, yookan bakka bu'oota isaanii oggansa yookan miseensa biroo ramadameen, akkaataa Boqonnaa 13, Seera Qabiinsa Ragaa Bulchiinsaa, fi kutaa 626.557, haala ga'eessota miidhamaniin walqabateen jiru dhukkubsattootaaf dhiyaachuu qabaata.

## **2. Naamusaan Keessummaayuu**

Dhukkubsattoonni qaxaramtoota yookan namoota tajaajila kunuunsa fayyaa kennaniin naamusaan qabamuu fi eenyummaan isaanii kabajamuuf mirga qabu.

## **3. Tajaajila Fayyaa Gahuumsa Qabu**

Fedhii dhuunfaa bu'ureeffachuudhaan, dhukkubsattoonni, kunuunsa dhuunfaa fi wal'aansa fayyaa gahuumsa qabu argachuuf mirga ni qabaatu. Kaffaltii raawwatuuf beenyaan kan kaffalamu yookan haarsaa dhuunfaa yoo hin taane, mirgoonni kunneen hojii irra hin oolan.

#### **4. Eenyummaa Ogeessa Fayyaa**

Maqaan, teessoon hojii, lakkoofsi bilbilaa, ogummaan ittiinbeekamtii fi kanneen biroo ogeessicha fayyaa tajaajilicha qindeessuu dhukkubsattootaan qabaatamuu yookan barreefafamaan kennamuufii qaba. Waantonni wal'aansicha keessatti akka raawwatamaniif hin gorfamne, akkaatuma ogeessi wal'aansicha hordofu galmee dhukkubsataa keessatti qabuun, odeeffannoowwan jiran, nama dhukkubsataa dhiyeenyaan eeguuf yookan nama biraa bakkab'uu ramadameef kennamuu qaba.

#### **5. Walitti Dhufeenya Tajaajilawwan Fayyaa Biroo Waliin Jiru**

Dhukkubsattoonni tajaajilawwan qaama alaa irraa argatan, gaaffii dhiyaatuun, eenyuummaan qaama dhiyeessuu itti himamuu qabaata. Odeeffannoon kennamu maqaa, teessoo, fi ibsa tajaajila qaama tajaajila alaa dhiyeessuu qabaachuu qaba. Waantonni wal'aansicha keessatti akka raawwatamaniif hin gorfamne, akkaatuma ogeessi wal'aansicha hordofu galmee dhukkubsataa keessatti qabuun, odeeffannoowwan jiran, nama dhukkubsataa dhiyeenyaan eeguuf yookan nama biraa dhukkubsataadhaan bakka akka bu'uuf ramadameef kennamuu qaba.

#### **6. Odeeffannoo Waa'ee Wal'aansaa**

Dhukkubsattoonni, bu'aa qorannoo dhukkubichaa, wal'aansa, filannoowwan, balaawwan, fi raaga haala fuula duraa isaanii irratti odeeffannoo wayitaawaa fi guutuu ta'e ogeessa fayyaaisaanii irraa argachuu qabaatu. Odeeffannoon kun haala fi afaan dhukkubsatichi ittiin hubachuu danda'a jedhamee amanamuun ta'uu qaba. Dhukkubsattoonni miseensa maatii isaanii yookan nama biroobakka bu'uu danda'uun hordofamuu danda'u. Odeeffannoon kun wal'aansi fi filannoowwan jiran, bu'aawwanfayyaa fi xiinsammuu hordofsiisuu danda'an,

qabaachuu qaba. Waantonni wal'aansicha keessatti akka raawwatamaniif hin gorfamne, akkaatuma ogeessi wal'aansicha hordofu galmee dhukkubsataa keessatti qabuun, odeeffannoowwan jiran, nama dhukkubsataa dhiyeenyaan eeguuf yookan nama biraa bakkabu'uu ramadameef kennamuu qaba. Namoonni odeeffannoo kana diduuf mirga ni qabu.

Namni kaansarii harmaatiin qabame hundi wal'aansicha jalqabuudhaan dura yookan yeroo wal'aansichi jalqabuuf jedhutti yookan yeroo turmaataa ishee keessatti, wal'aansa baqaqsanii hodhuu, raadiyoolojii, yookan keemooteeraappii yookan wal'aansawwan biroo walta'iinsaani kennamanii fi balaawwan filannoowwan hundi qabaachuu danda'an dabalatee, filannoowwan wal'aansaa bu'a qabeessa ta'an biroo jiraniifi ogeessichi hubachiisuu danda'u irratti odeeffannoo guutuuargachuu qabdi.

## **7. Karoora Wal'aansichaa Irratti Hirmaachuu**

Miseensota Maatii Beeksisuu:

(a) Dhukkubsattoonni karoora kunuunsa fayyaa isaanii irratti hirmaachuuf mirga qabaachuu qabu. Mirgi kun carraa wal'aansaa fi filannoowwan jiraniirratti kunuunsitoota dhuunfaa waliin mari'achuu, carraa walgayiiwwan idilee kunuunsaa irratti argamuuf gaafachuu fi hirmaachuu, fi mirga miseensa maatii yookan bakka bu'aa filatame dabalachhuu, yookan lameenuu kan dabalatuu dha. Yeroo dhukkubsataan argamuu hin dandeenyetti, miseensi maatii yookan bakka bu'aan biroo dhukkubsataan filatame walgayiiwwanakkanaa

irratti hirmaachuu danda'a. Bakka bu'aan filatame deeggartuu deessuu dabalachuu danda'a.

(b) Dhukkubsataan tajaajilamaa ta'e yoo kan of-beekuu hin dandeenye, of-wallaale, yookan hubannoon namaan waliigaluuf kan hin dandeenye yoo ta'e, tajaajilichi akkaataa keewwata (c) jalatti ibsametti, yeroo balaa tasaatti akka argamuufiif barreeffama teessoo dhukkubsatichi eyyameen miseensa maatii beeksisuuyookan tarkaanfii amansiisaa ta'e fudhachuu qabaata. Tajaajilichi dhukkubsatichaaf akka hinbarbaachifneefiif dursee yoo beekke fi sababa akka hin hirmaanneef itti amane yoo qabaate, yookan dhukkubsatichi miseensi maatii akka hirmaatuuf akka hin barbaanne barreeffamaan yoo hin ibsineen ala miseensi maatii karoora baasuu wal'aansichaa irratti akka hirmaatuuf eyyamuu qaba. Miseensi maatii akka hirmaatuuf beeksifamee garuu immoo, miseensi maatii karoora wal'aansaa irratti akka hirmaatuuf eyyamuun dura, dhukkubsatichi akkaataa sochii tajaajila fayyaa waliin deemuun murteewwan wal'aansaa wanta isa irraa eegamu ilaachisee akka raawwatuuf itti himame, raawwachuun isaa ilaalchisee tajaajilichi tarkaanfii amansiisaa ta'e fudhachuu qaba. Faayidaa kewwata kanaaf, "tarkaanfii amansiisaa" kanneen itti aanan dabalata:

- (1) qorannoowwan bu'aa dhukkubsataa dhuunfaa gaggeessuu;
- (2) galmeewwan wal'aansa fayyaa tajaajilicha harka jiran qorachuu;
- (3) dhukkubsatichi ajajawwan isaaf kenname dursee raawwatus dhiisus, akkasumas, dhukkubsatichi ogeessa fayyaa biroo bira kan deemu ta'us dhiisus, tessoo yeroo

balaa tasaa yookan miseensa maatii gaafachuu  
gaafachuu; fi

- (4) dhukkubsatichi ogeessi fayyaa itti deddeebi'aa ture eenyu akka ta'e, yoo beekames, ajajawwan kana dura isaaf kennaman raawwachuu fi dhiisuu isaa gaafachuu. Tajaajilichi miseensa maatii yoo beeksise yookan yoo teessoo balaa tasaatiin wal-qunname yookan miseensa maatii karoora wal'aansaa irratti akka hirmaatuuf yoo eyyame, akkaataa keewwata kanaatiin, miseensa maatii beeksifameen yookan teessoo balaa tasaatiin wal-qunnameen yookan miseensa maatii karoora wal'aansaa irratti akka hirmaatuuf eyyame hordofee badii yookan sirrii ta'uu yookan icitii dhukkubsataa kan cabsu yoo ta'e tajaajilichi itti hin gaafatamu.

(c) Miseensa maatii yookan teessoo yeroo balaa tasaa kaayame beeksisuuf, hojii amansiisaa hojjachuuf, tajaajilichi miseensa maatii yookan teessoo yeroo balaa tasaa addaan baasuuf bu'aa hordoffii dhukkubsatichaa fi galmee tajaajila fayyaa dhukkubsatichaataajaajilicha keessa jiru qorachuu qaba.

Tajaajilichi miseensa maatii yookan teessoo yeroo balaa tasaa dhukkubsatichaa erga tajaajilaaf eyyamamee saatii 24 keessatti argachuuf kan hin dandeenye yoo ta'e, ejensii tajaajila hawaasummaa biyyaalessaatiif yookan ejensii raawwii seeraa naannawaatiif, dhukkubsatichi akka tajaajilamuuf eyyamame miseensa maatii fi teessoo balaa tasaa akka argachuuf hin dandeenye beeksisuu qabu. Ejensiin tajaajila hawaasummaa biyyaalessaa fi ejensiin raawwii seeraa naannawaa, tajaajilichi miseensa maatii fi teessoo balaa tasaa akka adda baafatuuf gargaaruu qabu. Ejensiin tajaajila hawaasummaa biyyaalessaa fi ejensiin raawwii seeraa naannawaa, gargaarsa tajaajilichaaf

taasisan hordofeetarii badii dhufuun walqabatee, miseensa maatii beeksifameen yookan teessoo balaa tasaatiin walqunnameen dogongorri yookan icitiin dhukkubsataa kan cabe yoo ta'e ejensichi itti hin gaafatamu.

## **8. Itti-fufiinsa Kunuunsaa**

Dhukkubsattoonni akkaataa imaammanni tajaajilaa eyyamuun ammentaa yeroo fi itti-fufiinsa hojii hojjataan fayyaa akka raawwatuuf kennameefiin, haala amansiisaa ta'een kunuunfamuuf mirga ni qabaata.

## **9. Mirga Kunuunsa Diduu**

Odeeffannoo qaama kutaa 9 irratti taa'e bu'ureeffachuudhaan dhukkubsataan gahuumsa qabu mirga wal'aansa diduu ni qabaata. Yoo dhukkubsatichi haala jiru hubachuu kan hin dandeenye ta'ee garuu akka gahuumsa hin qabne qaama seeraatiin akka deeggarsa barbaadu murtaa'ee hin jiru yoo ta'e, yookan yoo ulaagaaleen seeraa mirga diduu isaa kan daangessan ta'e, haalliwwan waliigalaa jiran bifa guutuu ta'een ogeessicha fayyaatiin galmee wal'aansa namichaa keessatti kaayamuu qabu.

## **10. Yaalliwwan Qorannoo**

Dhukkubsatichi yaalii qorannoo irratti hirmaachuu isaatiin dura odeeffannoon eyyamaa, barreeffamaan kennamuun dirqama. Dhukkubsattoonni mirga hirmaachuu diduu ni qabaatu. Eyyamnis ta'ee diddaan galmee wal'aansaa dhuunfa keessatti qabamuu qabaata.

## **11. Keessummeessa Naamusa Hin Qabne Irraa Bilisa Ta'uu**

Dhukkubsattoonni akkaataa Seera Eegumsa Ga'eessota Miidhamanii keessatti ibsamett qabiinsa naamusa hin qabne



irraa bilisa ta'uu qabu. Keessummeessa naamusa hin qabne jechuun, akkaatuma kutaa 626.5572, qaama kutaa 15, keessatti ibsametti, yookan ilaalcha idilee fi wal'aansaan alaatiin miidhaa qaamaa yookan dararama yookan naamusa dalagaa dhiphina sammuu fi miiraa kan uumu jechuu dha. Dhukkubsataan kamiyyuu, yoo haala qabatamaan mul'atuun balaawwan tasaan hin taaneen ala, yookan ogeessa fayyaatiin qoratamee barreeffamaan ragga'ee yeroo murtaa'eef yoo ta'een ala, fi dhukkubsataan of-irratti fi nama biroo irratti balaa geessisuuf yoo ta'e qofaan ala, dirqisiifama keemikaalaa wal'aansaaf hin taanee fi qaamaa irraa bilisa ta'uu qaba.

## **12. Icitii Eeguu Wal'aansaa**

Akkatuma sagantaa fayyaa fi kunuunsa dhuunfaa isaaniitti, dhukkubsattoonni mirga kabajamuu fi icitiin isaanii eegamuu ni qabaatu. Dhimmootni marii, gorsi, qorannoon, fi wal'aansi icitummaa isaanii bifa eegamee fi haala mufannaa hin uumneen gaggeeffamuu qabu. Yeroo manni fincaanii fayyadamu, qaamni dhiqatamutti, fi sochiiwwan qulqullina dhuunfaa gaggeeffamanitti, yoo nageenyummaa fi deeggarsaaf namni barbaachiseen ala qofaaf icitiin dhimma bayachuun kabajamuu qaba.

## **13. Icitiiin Qabamuu Galmeewwanii**

Ragaawwan dhuunfaa isaanii fi wal'aansa isaanii icitiin qabamuu isaanii dabalatee, ragaawwan isaanii nama biraa kunuunsichaan ala jiraniif kennuu fi diduuf kan danda'an ta'uu isaa dhukkubsattootaaf mirkanaa'uu qaba. Garagalchi galmeewwanii fi odeeffannoowwan barreeffamaa galmicha keessa jiran haala qaama fi kutaa 144.335 tiin argamuu qabaata. Mirgoonni kunneen gamaaggamaa fi qorannoo komii Bulchiinsa

Damee Fayyaa, raawwii waliigaltee kaffaltiitiif qaama sadaffaan gaafatamu, yookan haalawwan ajaja seeraa irratti hojiirra kan oolan hinta'u.

#### **14. Tajaajilawwan Jiran Ibsuu**

Tafaajila argachuuf yoo jedhanitti yookan yeroo turmaata isaaniitti, kaffaltii dabalataatiin tajaajilawwan durgoon argaman, kaffaltii manaa fi kan biroo argamuu danda'an irratti dhukkubsattoonni akka odeeffannoo argatan ta'uu qabu. Kaffaltii sagantaa deeggarsa meedikaaalaa fi kunuunsa meedikaalaailaallatanii fi tajaajilliwwan kanatti aansee ibsaman kam-kamiif akka kaffalamuuf akka ta'e dhukkubsattoonni akka odeeffannoo argataaniif tajaajilichi deeggarsa taasisuufqaba.

#### **15. Tajaajila Deebii Kennuu**

Dhukkubsattoonni gaaffii fi fedhiin isaanii bifa barbaadamuu fiamansiisaa ta'een deebii akka argatuuf mirga ni qabaatu.

#### **16. Icitii Dhuunfaa**

Dhukkubsattoonni, haala hawaasummaa, amantaa fi xiinsammuu isaanii waliin walmadaaluun, tokkoon tokkoon icitiiwwan dhuunfaa isaanii, eenyummaa isaanii fi mallattoonaadaa isaanii gatii akka qabaataniif mirga ni qabaatu.

#### **17. Komii**

Dhukkubsattoonni, akka dhukkubsattootaa fi lammiileetti, turmaata tajaajila isaanii yookan adeemsa wal'aansaa isaanii keessatti, mirgoota isaanii akka beekanii fi akka itti fayyadamaniif deeggaramuu fi jajjabeeffamuu qabu. Dhukkubsattoonni dhiphina, dhiibbaa, dirqisiifamuu, loogii, yookan haaloo bayamuu, akkasumas, sodaa tajaajila mulqamuu

irraa bilisa ta'anii komii isaanii dhageessifachuu fi imaammannii fi tajaajilli akka jijjiiramuuf hojjattoota tajaajilaa fi qaama biraa barbaadaniif yaadakennuu danda'u. Beeksisti adeemsa komii dhiyeeffachuu kenniinsa tajaajilichaa yookan sagantichaa, akkasumas, teessoon fi lakkoofsi bilbilaa Wajjira Keessummeessaa Komii Tajaajila Fayyaa fi abbagaar wal'aansa manaa naannawaa akkaataa Seera Moofaa Ameerikaa kutaa 307(a)(12)tti, bakka salphaatti argamuu danda'utti maxxansamuu qaba.

Tajaajilli dhukkubsataa daran dhukkubsatee fi kunuunsaaf of-bira jiraachisu hundi, sagantaan tajaajilaa kutaa 7 keessatti ibsame hundi, fi tajaajilli namoota lamaa ol ta'anii fi tajaajila wal'aansa sammuu yeroo gabaabaa kennan hundi, adeemsa komii dhiyeeffannaa barreeffamaa qabaachuu; haaaluma kanaan, yoo xiqqaate, adeemsaalee hordofamuu qaban kan agarsiisu, deebii tajaajilaaf dabalatee daangaa yeroo kan kaayu, deeggaraan hubannoo dhukkubsataaf akka jiraatu kan kaayu, komii barreeffamaaf deebii barreeffamaa kan gaafatu, komiin furamu nama murtee madaalawaan yerootti kan murtaa'u ta'uu isaa kan ibsu. Komiiwwan hospitaalotaa, akkaataa kutaa 7 keessatti ibsametti sagantaawwan tajaajilaa sagantaa wal'aansa sadarkaa duraa hospitaalaa, fi wiirtuuleen wal'aansa baqaqsanii hodhuu yeroo gabaabaa kutaa 144.691 fi komiiwwan dhaabbilee kutaa 62D.11 adeemsa komii barreeffamaan dhiyeeffachuu akka ta'anittiilaalamu.

## **18. Walqunnamtiiwwan Icitii**

Dhukkubsattoonni namoota filatan waliin ta'uu fi walqunnamuuf, akkasumas, akkaataa Seera Mirga Fudhatamummaa LammiileeBulchiinsaMineesootaatti,



tajaajilicha gadhiisuuf ni danda’u. Dhukkubsattooni kaffaltii isaaniitiin meeshaalee ogbarruu, barreeffamaa fi poostaa ni argachuu danda’uu qabu. Xalayaawwan dhuunfaa ergaman otoo hin banaminii fi otoo namni biroo jidduu hin seenin abbaa ergameef gahuu qabu, yoo ogeessa fayyaatiin dhorkamee fi galmee meedikaalaa keessa kan kaayame ta’een ala. Bilbilli dhukkubsataan ittiin argamuu fi icitiin ittiin dubbatu jiraachuu qaba. Tajaajilli bakka dhuunfaa dhukkubsataaf mijeessuu hin dandeenye, haala amansiisaa ta’een icitiin bibilaa isaa akka eegamuufiif haala mijeessuu qabaata. Mirgi kun, ogeessi fayyaa kan hin gorsine akka ta’e galmee isaakeessatti haala taa’uun yoo ta’e, kan daangeffamu ta’a. Akkaataa Seera Eegumsa Ga’eessota Miidhamanii, Kutaa 626.557, qaama kutaa 14, keewwata (b) waliin deemutti. To’annoo miidhamatajaajilaatiin saganteeffamee kan daangeffame yoo ta’e, mirgi kun kan daangeffam ta’a.

## **19. Meeshaalee Dhuunfaa**

Dhukkubsattoonni haala eeyyamameen, mirgoota kanneen biroo irratti dhiibbaa hanga hin uumnetti, yookan sababoota rakkoo nageenyummaa fi fayyaa akka uumuu danda’u ogeessa fayyaatiin galmeen deeggaramee hanga hin kaayamnetti bakka uffannaa fi meeshaa qabaachuu ni danda’u. Tajaajilichi, yoo barbaachisaa ta’ee argame, meeshaalee badan yookan hatamaniif beenyaa ni kenna yookan bakka ni buusa.

## **20. Tajaajila Argachuuf Tajaajila Biroo Kennuu**

Sochiileen taasifaman sababa wal’aansa fayyaatiif, yookan kaayyoo bu’aa fayyaa fiduuf ta’ee galmee fayyaa isaani keessa haala jiruun ta’een ala, dhukkubsattoonni hojii humnaa yookan tajaajila biroo tajaajila argataniif raawwachuu hin qaban.

## **21. Tajaajila Eegumsaa fi Hubannoo**

Dhukkubsattoonni yeroo barbaachisaa ta'ee fi haala barbaachisaa ta'ee argame hundatti tajaajilawwan eegumsa mirgaa fi tajaajilawwan hubannoo uumuu argachuu irraa otoo hin daanga'in deeggarsa hubannoo akka argataniif, hojiirra akka olchaniif, akkasumas mirgoota kutaa kana keessatti fi seeran ibsaman akka raawwataniif mirga qabaachuu qabu. Mirgi kun carraa dhukkubsataan bakka bu'aa tajaajila mirgootaa fi tajaajila hubannoo uumuu waliin icitiin walqunnamuu dabalachuu qaba.

## **22. Mirga Walqunnamuu Ibsuu fi Lamaan**

Tajaajilaan walqabatee seerri federaalaa namoonni bibilaniif qaamaan dhufan beekantiin ala akka dhukkubsataa argataniif haala dhorkuun, dhukkubsatichi, yookan namni seera qabeessa isa eeguu fi kunuunsu carraa dhukkubsatichi jiraatee fi dhiisee isaa nama bilbilu yookan qaaman dhufuuf ibsuuf murteessuu kennamuufii qaba. Hanga danda'ametti namni dhukkubsaticha eegu eeruu kennuudhaan dura yaada eeruu irratti miira dhukkubsataa ilaalcha keessa galchuu qabaata.

Akkaataa boqonnaa 145Ctti dhukkubsataan nama akka tajaajila fayyaa dhiyeessuufiif beekamtii kenneefiifiin ilaalamuu fi akakaataa keewwata 22tti nama akka tajaajila fayyaa dhiyeessuufiif beekamtii kenneefiifiin ilaalamuu fi murtee fayyaa akka dabarsuufiif taasisuuf mirga ni qabaata.

Tajaajilichi jalqabuudhaan dura, dhukkubsatichi, yookan namni seera qabeessa isa eeguu fi kunuunsu, carraa nama dhukkubsataa gaafachuuf itti dhiyeenya yookan firummaa qabuun akka gaafatuu fi dhiisu ogganuu, yookan murteewwan fayyaa

dabarsuuf namagahee bayatu beeksifachuun isaanii dirqama. Namni ramadamu kun galmee dhukkubsataa keessatti dirqama galuu qaba. Kunuunsa fayyaa irratti murtee dabarsuu ilaalchisee, ajajaan kunuunsa fayyaa yookan bakka bu'aan kunuunsa fayyaa boqonnaa 145C muudame, nama filatamee kaadhimamee fi keewwata kana keessatti ibsame caalaa sagalee qabaata. Namni walitti dhufeenya hin qabne dhukkubsataa yookan maatii isaatiin beekamuun eeramuu danda'a.

**MIRGOOTNI DABALATAA SAGANTAALAA  
TAJAAJILA FAYYAA WAL'AANSA DAA'IMMAN  
FAYYADAMTOOTA KEEMIKAALAA YOOKAN  
DHUKKUBA SAMMUU YOOKAN TAJAAJILAWWAN  
DAA'IMMAN JEEQUMSA MIIRAA QABANII, SAATII  
24 IRRATTI BU'UREEFFACHUUDHAAN:**

**23. Loogii fi Dhiibbaa**

Akkaataa kutaa 7 keessatti ibsametti daa'imni tajaajilaaf eyyamameef tokko haalawwan balaawwan tasaa dhukkubsatichi miidhaa qaamaa ofii fi kaan irraan geessisuun ala, miidhaa qaamaa fi loogii irraa bilisa ta'uuf mirga ni qabaa. Adeemsiwwan kunneen faayidaa leenjii naamusaatiif, seerawwan sagantichaa hojiirra olchuuf, yookan, haala hojjataa hojjataaf uumuuf ooluu dhiisuu danda'u. Loogii fi dhiibbaan ajaja ogeessa fayyaa, ogeessa xiin-sammuu, yookan gorsaa xiinsammuu beekamtii qabuun, yoo tarkaanfii fudhatamu dhiibbaa hin fidne fi yeroo gabaabaaf qofa yoo ta'ehojiirra ooluu danda'a.

## **24. Karoora Wal'aansaa**

Daa'imni dhukkubsataan sagantaan tajaajila fayyaa eyyamameef, akkaataa kutaa 7 keessatti ibsametti, karoorri wal'aansaa, rakkoo dhukkubichaa, kaayyoo ifaa karoorichaa, fi adeemsaalee dhukkubsatichi yeroo turmaata jireenya mana yaalaa isaa itti akka gabaabbatuuf hojiirra oolu ibsu mirga barreeffamaan argachuu qaba. Karoorichi, yoo barbaachisaa ta'ee argame, tarkaanfiiwwan hordoffii wal'aansaa fi tajaajila baay'isee gadi fageenyaan kaayuu dhiisuu danda'a. Hanga akka hirmaataniif isaan dandeessisutti, daa'imni dhuukubsataanfi maatiin isaa yookan ishee yookan namni isaaniif eegumsa taasisu karoora wal'aansichaa fi yeroo itti bayuuf karoorfame irratti hirmaachuu qabaatu.

**Gaaffiiwwan yookan komiiwwan wal'aansa fayyaa yookan Mirgoota Bu'uraa Dhukkubsattootaa ilaallatan kanneeniif dhiyaachuu danda'u:**

### **Boordii Raawwiiwwan Hojiilee Fayyaa Mineesootaa (Minnesota Board of Medical Practice)**

2829 University Ave. SE, Suite 400

Minneapolis, MN55414-3246

Bilbila: (612) 617-2130

(800) 657-3709

### **Waajjira Iyyannoowwan Tajaajila Fayyaa (Office of Health Facility Complaints)**

P.O. Box 64970

St. Paul, MN 55164-0970

Bilbila: (651) 201-4201

(800) 369-7994



**Gaaffiiwwan tajaajila kunuunsa argachuu yookan otoo  
tajaajila hin xumurin bayou ilaallatan kanneeniif  
dhiyaachuu danda’u:**

**Kunuunsa Yeroo Dheeraatiif Abbagaar  
(Ombudsman for Long-Term Care)**

P.O. Box 64971

St. Paul, MN 55164-0971

Bilbila: (800) 657-3591 ykn

(651) 431-2555 (naannawaa)

**Barreeffama Hospitaala Minesootaa fiWalta’iinsa  
Kunuunsa Fayyaa. Afaan Hiikuuf kan deeggare Damee  
Fayyaa Bulchiinsa Minesootaa Hiikaa kanaan walqabatee  
odeeffannoo dabalataatiif Damee Fayyaa Bulchiinsa  
Minesootaa lakkoofsa (651) 201-3701 kanaan qunnamaa.**